

# Amalan doa awal dan akhir tahun

**A**PABILA tiba awal Muharam, kami biasanya membaca doa akhir tahun dan awal tahun. Haruskah berdoa dengan doa ini?

DOA adalah disyariatkan dan banyak nas al-Quran menyebut perintah agar berdoa kepada Allah SWT. Doa akhir tahun dan awal tahun termasuk dalam kategori doa.

Maka harus hukumnya berdoa dengan doa akhir tahun dan doa awal tahun. Lazimnya, doa akhir tahun dibaca sebelum maghrib akhir tahun hijrah, namun jika terlepas, maka harus dibaca selepas masa itu. Ia juga boleh dibaca pada 1 Muharam atau 2 Muharram.

Namun, kadang-kadang

## Soal jawab agama

Bersama **DR. MOHAMMAD NIDZAM ABDUL KADIR AL-JARUMI**

Pensyarah di Fakulti Ekologi Manusia, Universiti Putra Malaysia dan pendakwah bebas. Kemusykilan boleh diajukan kepada e-mel [nidium@yahoo.com](mailto:nidium@yahoo.com)

dipopularkan kelebihan doa akhir tahun. Contohnya dakwaan hadis menyebut sesiapa yang berdoa dengan doa akhir tahun maka syaitan tidak mengganggunya selama setahun.

Bagaimanapun, saya sukar menerimanya kerana tiga sebab berikut:

1. Tidak pernah menemui riwayat hadis ini, mungkin juga

kerana bacaan saya yang tidak luas.

2. Tahun hijrah tidak wujud pada zaman Nabi SAW. Oleh itu, agak sukar untuk diterima bahawa ada riwayat hadis menyebut tentang kelebihan doa akhir tahun.

3. Kelebihan membaca surah al-Kahfi pada hari Jumaat hanya sekadar diberi cahaya sehingga

hari Jumaat berikutnya. Maksudnya sekadar tujuh hari sahaja. Sedangkan kelebihan bacaan doa akhir tahun adalah untuk tempoh setahun.

Ini bermakna doa akhir tahun lebih mulia daripada Surah al-Kahfi.

Begitu juga dengan kelebihan membaca Surah al-Baqarah. Dalam riwayat hadis Nabi, dinyatakan bahawa syaitan tidak dapat masuk ke dalam rumah yang dibacakan Surah al-Baqarah. Syaitan tidak dapat masuk selama tiga hari sahaja. Maka agak pelik dan janggal untuk mengangap bahawa doa akhir tahun lebih mulia daripada al-Quran.

Secara ringkas, berdoaalah kepada Allah SWT dan ia termasuk bacaan doa akhir tahun dan doa awal tahun.

